



Broj: T01 0 KTK 0040168 24

Bihać, 29.09.2025. godine

OPĆINSKI SUD U BIHAĆU

sudiji za prethodno saslušanje

Na osnovu odredbe iz člana 45. stav (2) tačka i), a u vezi sa odredbom iz člana 241. stav (1) Zakona o krivičnom postupku Federacije BiH, p o d i ž e m:

OPTUŽNICU

PROTIV:

1. GORDANA MILOŠEVIĆ,
2. NADA REPIJA,

zbog postojanja osnovane sumnje

DA SU

1. GORDANA MILOŠEVIĆ

dana 03.10.2021. godine, u Bosanskom Petrovcu, kao službena osoba – vršilac dužnosti direktora u d.o.o. Komunalno Bosanski Petrovac, svjesna da iskorištavanjem svojih ovlaštenja iz člana 27. Statuta broj: 02/1-02-371-9/06 od 26.06.2006. godine postupa suprotno odredbi člana 5. Uredbe o postupku prijema u radni odnos, kojom je propisano da se postupak prijema u radni odnos na određeno vrijeme uređen ovom Uredbom, podrazumijeva provođenje procedure obaveznog javnog oglašavanja i u slučajevima prijema pripravnika, bez prethodno raspisanog javnog oglasa zaključila ugovor o radu na određeno vrijeme u trajanju od tri mjeseca sa pripravnikom R. A. na radno mjesto pripravnik - vodoinstalater br. (...) od (...) na koji način je R. A. pribavila korist u vidu obavljanja pripravnčkog staža u javnom preduzeću bez prethodno provedene obavezne procedure javnog oglašavanja, kojom prilikom je bila svjesna naprijed opisane radnje i okolnosti pod kojima poduzima tu radnju, kao i što je bila svjesna opisane zabranjene posljedice, a koju radnju i posljedicu je i htjela

2. NADA REPIJA

u periodu od 15.11.2021. godine do 15.02.2022. godine, u Bosanskom Petrovcu, kao službena osoba – direktor bez ograničenja u d.o.o. Komunalno Bosanski Petrovac svjesna da neobavljanjem svoje službene dužnosti iz člana 27. Statuta broj: 02/1-02-371-9/06 od 26.06.2006. godine postupa suprotno odredbi člana 94. stav (1) tačka g) Zakona o radu Federacije BiH ("Službene novine Federacije Bosne i Hercegovine" br. 26/16, 89/18, 23/20 - odluka Ustavnog suda, 49/21 - dr. zakon, 103/21 - dr. zakon, 44/22 i 39/24), kojom je propisano da ugovor o radu prestaje istekom vremena na koje je

zaključen ugovor o radu na određeno vrijeme i članom 19. stav (1) Pravilnika o podnošenju prijava za upis promjene upisa u Jedinstveni sistem registracije, kontrole i naplate doprinosa ("Službene novine Federacije BiH" br. 73/09, 38/10, 77/10, 9/11, 1/13, 83/14, 1/15, 48/16, 25/17, 53/19, 93/19, 105/21 i 20/22), a kojom je propisano da je obveznik uplate doprinosa dužan dostaviti popunjeni obrazac za odjavu osiguranja najkasnije sa danom prestanka osnova za osiguranje osiguranika, propustila dostaviti odjave osiguranja za radnike N. S. i I. A. Poreznoj upravi Federalnog ministarstva finansija Federacije BiH, a nakon što je dana 15.11.2021. godine N. S. istekao ugovor o radu na određeno vrijeme mjeseca br. (...) od (...) na radno mjesto čistač javnih površina te I. A. dana 03.12.2021. godine istekao ugovor o radu na određeno vrijeme br. (...) od (...) na radno mjesto vodoinstalater, istima omogućila da nastave obavljati navedene poslove, a sve bez ugovora o radu, pri tome znajući da su ova lica prethodno bila angažovana u ovom javnom preduzeću na period od 180 dana u toku jedne kalendarske godine i da bi njihov dalji angažman po osnovu ugovora o radu bilo na određeno bilo na neodređeno vrijeme bez javnog oglašavanja bio u suprotnosti sa odredbom člana 4. i člana 5. Uredbe o postupku prijema u radni odnos, kojima je propisana obaveza javnog oglašavanja za prijem u radni odnos na određeno i neodređeno vrijeme, na koji način je N. S. i I. A. pribavila korist u vidu faktičkog obavljanja poslova radnih mjesta čistač javnih površina i vodoinstalater u javnom preduzeću bez zaključenog ugovora o radu i u periodu dužem od propisanog Uredbom bez javnog oglašavanja, kojom prilikom je bila svjesna naprijed opisanog neobavljanja službene dužnosti i okolnosti pod kojima ne obavlja svoju službenu dužnost, kao i što je bila svjesna opisane zabranjene posljedice, a što je i htjela

3. NADA REPIJA

dana 04.01.2022. godine, u Bosanskom Petrovcu, kao službena osoba – direktor bez ograničenja u d.o.o. Komunalno Bosanski Petrovac, svjesna da iskorištavanjem svojih ovlaštenja iz člana 27. Statuta broj: 02/1-02-371-9/06 od 26.06.2006. godine postupa suprotno odredbi člana 5. Uredbe o postupku prijema u radni odnos, kojom je propisano da se postupak prijema u radni odnos na određeno vrijeme uređen ovom Uredbom, podrazumijeva provođenje procedure obaveznog javnog oglašavanja i u slučajevima prijema pripravnika, a nakon isteka ugovora o radu na određeno vrijeme sa pripravnikom R. A. broj: (...) od (...), bez prethodno raspisanog javnog oglasa sa istim zaključila ugovor o radu na određeno vrijeme u trajanju od tri mjeseca na radnom mjestu vodoinstalater pripravnik br. (...) od (...) na koji način je R. A. pribavila korist u vidu nastavka obavljanja pripravnčkog staža u javnom preduzeću bez prethodno provedene obavezne procedure javnog oglašavanja, kojom prilikom je bila svjesna naprijed opisane radnje i okolnosti pod kojima poduzima tu radnju, kao i što je bila svjesna opisane zabranjene posljedice, a koju radnju i posljedicu je i htjela

Dakle, pod tačkom 1) Gordana Milošević kao službena osoba iskorištavanjem svojih ovlaštenja drugome pribavila korist, pod tačkom 2) Nada Repija kao službena osoba nevršenjem svojih službenih dužnosti drugima pribavila korist te pod tačkom 3) Nada Repija kao službena osoba iskorištavanjem svojih ovlaštenja drugome pribavila korist

Čime bi pod tačkama 1) Gordana Milošević počinila krivično djelo Zloupotreba položaja ili ovlaštenja iz člana 383. stav (1) Krivičnog zakona Federacije BiH, a pod tačkom 2) i 3) Nada Repija počinila krivično djelo Zloupotreba položaja ili ovlaštenja iz člana 383. stav (1), a u vezi sa članom 55. Krivičnog zakona Federacije BiH

Temeljem odredbe iz člana 71. tačka c) u vezi sa odredbom iz člana 76. Krivičnog zakona F BiH, predlažem da se Gordani Milošević i Nadi Repiji izrekne sigurnosna mjera – zabrana vršenja funkcije direktora u javnim zdravstvenim ustanovama u trajanju od dvije godine.

Prijedlog dokaza koje treba izvesti:

1. U svojstvu svjedoka ispitati:
2. Pročitati i/ili izvršiti uvid u:

Rezultat istrage

Dokazi koji potvrđuju navode optužnice:

KANTONALNI TUŽILAC